

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 462560 24 St  
Tuzla, 15.10.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom "STENLIR" d.o.o. za niskogradnju, proizvodnju i promet export-import Živinice, ul. Lijeha bb, Đurđevik, nakon provedenog prethodnog stečajnog postupka donio je dana 15.10.2024.godine slijedeće:

### RJEŠENJE

**OTVARA SE stečajni postupak** nad imovinom dužnika „STENLIR“ d.o.o. za niskogradnju, proizvodnju i promet export-import Živinice, ul. Lijeha bb, Đurđevik, MBS: 1-12122, JIB: 4209035460005, račun broj: 1321100309943715, otvoren kod NLB Banka d.d. Sarajevo.

Za stečajnog upravnika imenuje Denis Husić iz Tuzle, ul. Maršala Tita br. 66.

**ZAKLJUČUJE SE** stečajni postupak nad imovinom dužnika „STENLIR“ d.o.o. za niskogradnju, proizvodnju i promet export-import Živinice, ul. Lijeha bb, Đurđevik, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

### O b r a z l o ž e n j e

Rješenjem Općinskog suda u Tuzli broj 32 0 St 462560 24 St od 26.06.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika dužnika "STENLIR" d.o.o. za niskogradnju, proizvodnju i promet export-import Živinice, ul. Lijeha bb, Đurđevik, a za privremenog stečajnog upravnika imenovan je imenuje Denis Husić iz Tuzle, a sve temeljem člana 61. Zakona o stečaju ( Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 19.07.2024.godine. Iz izvještaja privremenog stečajnog upravnika proizilazi da je za navedeno društvo utvrđen prestanak Rješenjem ovog suda broj: 032-0- Reg.17-001832 od 03.10.2017. godine, a da je isto dana 31.03.2024. godine donijelo Odluku o prestanku rada. Zatim, stečajni upravnik je utvrdio da je zakonski zastupnik istog Goletić Džemka, a da stečajni dužnik ne raspolaže imovinom kojom bi pokrio troškove stečajnog postupka. Društvo ima obaveze po osnovu javnih prihoda u ukupnom iznosu od 505.039,99 KM, te da prema Uvjeranju Uprave za indirektno oporezivanje Regionalni centar Tuzla ima dospjelih a neizmirenih obaveza po osnovu indirektnih poreza, ostalih prihoda i taksu u iznosu od 3.995,75 KM, a da su računi privrednog društva duži period blokirani, da privredno društvo veće duži period ne obavlja poslovne aktivnosti odnosno da su svi ostali zaposlenici osim direktora objavljeni najkasnije u 2008.godini a da je direktor u skladu sa Rješenjem Općinskog suda u Tuzli iz 2017.godine tada objavljen. Na osnovu svega navedenog stečajni upravnik je mišljenja

da su ispunjene pretpostavke za otvaranje stečajnog postupka nad imovinom dužnika "STENLIR" d.o.o. za niskogradnju, proizvodnju i promet export-import Živinice, ul. Lijeha bb, Đurđevik.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 03.09.2024.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predumjeren iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 57/13 dana 13.09.2024.godine, oglasnoj tabli suda dana 04.09.2024.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu preduma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

**Stečajni sudija**  
**Antonela Đaković**

**POUKA O PRAVNOM LIJEKU:** Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.